

Цебяръяста анокламс пионер—лагерьхненъ йотафтомасновды

Пионерхненъ лагеряса ваймамас-нон цебяръяста йотафтомац ащи сянь эзда, кода тяди ули йотафть аноклама работась. Кода лагерьхненъ обслуживанияснон инкса кочкавихть и аноклавихть эрвикс кадрат и ст. тов.

Тяда башка, лагерьхненъ цебяръяста йотафтомасна ащи нинге сянь эзда, кодама максихть и максихть тяньди лезкс хозяйственной организации и сембе общественность.

А вдь пионерхненъ лагеряса цебяръяста ваймамаснон эзда кармай улема зависимаикс синь сай-кизонь работасна и тонафнемасна.

Тянкаса тя истинать шарькодем-нок лагерьхненди аноклама работать йотафнемаснон, сонь сяда цебяръяфнеманц инкса, эрви тиемс решительнай перелом, а сембеда пяк хозяйственной и наркомпросовской организациятненъ ширде.

ВКП(б)-нь обкомсь лифць специальной решения, конац обязана-дакшнесыня райононь руководителъхненъ пионер—лагерьхненди аноклама работати.

Но калдыв ся, што кой-кона районца райкомонь секретарьхне и риконь председателъхне изь при-ма тя решения кода законовъ, конанц коряс синь лично обязант руководить пионер-лагерьхненди анокламати марта. И комсомолонь обкомсь улемок тяфтама решения аф тюри сонь пашкедеманц инкса, надий, што тя решениясь пашкедеви самотеком. Тянкаса Зубунъ, Березникованъ, Лямбирень районтненъ вса и Наркомпрость марта тя решениясь аф пашкодкш-неви.

Наркомпросонь аф поворотливай дядитне йофси мезевок истъ тий лагерьхненди анокламати инкса. Тейст тянкаса эрвольт явф-томс специальной ответственной ломань, кода тя йотафть кой-ко-на хозяйственной организацияса, но тянь васте Наркомпросонь руководителъхне путсь технический работник—Юринать, аф комсомо-лка и аф партийнай, сон Вожда-етъ личной секретарец. Мезе ина-тись тя „ответственнойсь“? Йофси мезевок аш. Синь истъ нолда даже районотненди кодамовок указа-ния тя кампаниять йотафтоманц инкса.

Березниканъ райисполкомонь пре-дседательсь Смирнов ялгась отка-зась сянь эзда, штоба возглавить лагерьхненди анокламати инкса кочкаф комиссиять и тя аф вано-мок сянь лангс, што ВКП(б)-нь обкомть решенияса яснайста азф,

што: лагерьхненди анокламати инкса районга эрви кочкземс комиссиять, коса председателъкс должент улемс синьць,—райис-полкомонь председателъхне. Ко-дамот ина ульсть Смирнов ялгать основаниянза отказамс тя работать эзда?

Тяфтама комиссиатненъ работа-сна должналь йотафнемомс респу-бликанский комиссиять руководст-ванц ала. Но республиканский ко-миссияське (председателец Сурдин ялгась) тячненъ шить самс изь йо-тафть фкявок заседания, мартонза арьсеф сембе мероприятиятненъ йо-тафтомасна арьсефт „на ходу“ ко-да мярэгендихть, тянгса кой-кона районца аноклама работась ащи пяк калдыв состоянияс.

Тяфтажа Саранский ошса. Комис-сиясь (сонь председателец Дуден-ков ялгась) изь йотафть фкявок-заседание. Тяста лисенди, што ня комиссиатне, кода эрви аф вятихть руководства лагерьхненди анокла-мати инкса, а синь председателъ-на изь шарькодъ ВКП(б)-нь об-комть решениянц.

Тя решениять афшарькодеманц и лагерьхненди анокламати бю-рократический мялень шарфне-мать колга кортай Саранскяень горОНО-ть тупой и безграмотнай директивац, конань апак лувхт подписал заведующайсь Хотянович ялгась и кучезь школатненъ ланга. Директивась театральнай офишаш-ка, азонды латта. „Кинь мялец ку-чемс иденц пионер лагеря...?“ и сяда алу азондовихть лагеря при-маны условитне: „Родительсь, конань мялец кучемс иденц ла-гери, кадк панды 55 процентт ся-ярмакненди, конат йотафтовихть лагеряса ваймоси идеть содер-жаниянц инкса“... и ст. тов.

Кие максесъ горОНО-ти прават-вешемс родительхненъ кядьста 55 процент лагеряса ваймосить инкса каръяви ярмакненъ эзда, кда ВЛКСМ-нь ЦК-сь кеместа азонд-сы, што родительхненъ кядьста ве-шемс эрви анычек 35 процент?

Эрви сяда курок азомс реши-тельной тюрема тяфтама формаль-но-бюрократический мялхненъ кан-виснонды. Эрвихть таргамс синь общественность обсуждениянц, вишке критиканъ алу. Куроконе-путомс пе аноклама работаса аф-сатыксненди, оцю серьезность мар-та анокламс лагерьхненди, штоба минь учениконькенди улель воз-можность цебяръяста и весяласта ваймамс и од вийса кярмедемс сай кизонь тонафнемати.

синьць ученикне морайхть тяфта-ма частушкат:

„Шурасть школаса ударник,
Пяк примернай пионер,
Тонафнемста тейнек марнек
Сявомс эздонза пример“.

Н. Ямашкин.



СНИМКАСА: РСФСР-нь государственнай од гербсь

Комсомолецне и афсоюзнай од ломаньтне обсуждают МАССР-нь Конституциять проектонц

Лемдйя велень комсомольский организацияса комсомолецне эсь пу-ромкссост обсуждадзъ МАССР-нь Конституциять проектонц. Консти-туциять проектонц обсуждениядон-за меле Пьянзин комсомолецсь ушедсь кортама:

„Минь эрятама инь павазу эрйф-са, кодама эрйф аш лия масторга. Вдь минь Мокшэрзянь республи-канькенъ ули сонценъ Конституци-янь проектоц, конань июнь ковста кемекстасы Мордовиянь советонь с'ездсь.“

Вов сясваськ эсь веленекенъ: школасонок питнефтема тонаф-нихть 230 ученикт“.

Лама комсомолецт кортасть Кон-ституциять проектонц и тяниень цебяръ эрйфть колга. Тяка жа пу-ромксса комсомолецне сясвсть обя-зательства цебяръяста работамс колхозса, вельф пашкодкшнемс норматненъ, ладамс политико-вос-питательнай и антирелигиознай ра-ботать колхозникненъ йоткса.

И.

Шайгованъ р-н.

— 000 —

МАССР-нь Конституциять проектонцты дополнение

МАССР-нь Конституциять проек-тсонза 93 статьяса азф: Мордов-ский АССР-нь граждантиенди обес-печендакшневи личностень непри-косновенность. Кивок аш кода арестовандамс, кда тянь ланкс аш-судонь путфкс али прокуроронь санкция.

Мон макссян тя статьяти тяфта-ма дополнение: ломаньтне, конат за-

нимандайхть бандитизмаса, афи-ризмаса, саламаса (граб'ежса) го-сударственной собственностень расхищенияса и иля преступникне доложетт улемс подвергнутайхть арестованияс прокуроронь санк-цияфтома и судонь путфксфтома вельсоветненъ и милициять марта и пачфтемс кулят 24 частонь йоткть прокурорти.

И. С. Паршин.

— 000 —

Аноклайхть каникулхненди

Саранскяень 31-це школаса сем-бе педколлективсь и ученический активсь оцю работа йотафнихть тунланъ испытаниятненди анокла-мати инкса и каникулхненъ весяла-ста йотафтомасновды.

Пяк характернай тя работать эса арси ся положенияс, што ка-никулхненди анокламати таргафт-ученикненъ родительсновок. Синь

примсихть пяк оцю участие идень оздоровительнай кампанияти анок-ламаса. Дирекциять марта съор-мадф плансь, зачеттненъ йотафто-маснон и каникулхненди анокла-мати колга, кеместа арьсеф роди-тельский марстонъ пуромксса, а пуромкста инголе плансь ванонд-фоль родительский группавой пу-ромксса.

А. Дмитриев.

Морайхть отличникненъ колга

С-Шайгованъ район, С-Теризмор-ганъ афполнай средний школанъ 6-це класса Шура Начкинць сем-бе дисциплинатненъ коряс тонафни анычек на „отлично“. Сон кода пионер, цебяръяста тонафни ученик; арси инь кельгевикс сембе тонаф-нихненди. Тянкаса сонь колганза



СНИМКАСА: Мокшэрзянь пединститутонь 3-це курсонь студенткась-отличница Назарова Г. ялгась.

Отметкатне отличнайхть

Мокшэрзянь пединститутонь студенттне йоткса оцю работа йотафневи тундаң зачетнай сессиятне-нди анокламати инкса. Литфаконь студенттне Мизонов, Наумкина, Ахантаевсь нят шинь зачеттнемаксозь „отлично“ оценка марта и тяфтажа цебарьста аноклайхть зачеттнеди лия дисциплинахне коряс.

Д. С. Петров.

Испытаниятне-нди аф аноклайхть

С. Шайгова, Сире Теризморга велень афполнай средний школаса испытаниятне-нди анокламати йотафневи пях калдывста.

Сянь вастс, штоба учительхне-ди ладямс тя работать и путем сембе вийть ученикхне испытаниятне-нди цебарьста анокламати индзы, учительхне Рожковсь и Якомаскинась, конат работайхть обедта меле, тиендихть тяфтама безобразият, што ученикхне аф нолясазь переменыс, занятиятне йотафнесазь переменафтама.

Курокня эряви путем пе тяфтама безобразият и ушedomс испытаниятне-нди анокламати работайхть.

В. Каргин.

Мес аш горячай завтрак

Сембе школатне эзга школьникхне максевихть горячай завтрак. А минь школасонь горячай завтракте юктафт. Кизефнесазь Ковылкина РОНО-ть: нормальная—ли тя те-всь?

4-це классонь ученик АНОШКИН.

Ковылкина Р-н, Самодурова веле.

Ваймосихть весяласта

Саранскянь фельдшерско-акушерский школань тонафнихне весяласта йотафнесазь ваймама пингснот. Ваймама шитне, переменыс йотафневихть шашкаса, волейболса нолхкозь и коллективной танцень йотафнезь, конатне эса примсихть участия сембе тонафнихне.

Б.

ТОНАФНИХНЕ АНОКЛАЙХТЬ ИСПЫТАНИЯТ-НЕНДИ

Тонафнемс и максомс испытаниятне-нди аныцек на отлично

Ковылкина районца, Ежкань школаса йотафневи оцю работа тонафнихне-нди испытаниятне-нди анокламати инкса.

7-це классонь тонафнис Казяев Гришась, кона сембе тонафнемань пингснот аф содай отличнай отметка йомла отметка, цебарьста испытаниятне-нди анокламок лезды эсь ялганзонды, штоба синьгесонь лапонза тонафнелхть и максолезь испытаниятне-нди аныцек на отлично.

Нолдавихть 132 медицинский работник

Саранскянь фельдшерско-акушерский школась тядлень кизоть нолдай 132 медицинский работник. Нят—акушеркат, фельдшерхт и фельдшерихт и ст. тов. Сембе синь од ломаньт, сембень синь комсомольский возрастна. Кивок синь эздот нингезь работа. Тянка нят ялгатне-нди тяниень пингть особеннай настроениясна, переживаниясна, мялсна и ст. тов. Синь радостнайхть, оцю желания марта срайхть работам, а кой конат тонафнема высшай учебнай заведения.

Сянь инкса, штоба тяфтама цебарь мечтатне, конатне эряфс йотафтомаснон инкса мирь страна-сонк улихть сембе возможность-тне, цебарьста улелхть осуществленнайхть школать аделамода меле—тяникига школань коллективс оцю работа ушedomс йотафтома сян инкса, штоба успешнайста анокламати испытаниятне-нди и оцю сатфкс марта нолдамс работам медицинский кадрань армият.

Тяконь шовор эряви азомс, што тонафнихне-нди нолдамаснонды анокламати эса улихть оцю афсатикс. Улихть стама тонафнихть, конатне пях йомлат успеваемостень показателсна, кода Холоповть и лиятне. Тяфтама ялгатне-нди эриволхть пуроптомс дополнительной занятият, йотафнемс консультациат и ст. тов.

Комсомолонь комитетске мезевон йофси аф тиенди сян инкса, штоба йотафтомс соответствующай работа тонафнихне йоткса, синь испытаниятне-нди и выпускти анокламати инкса.

Нят шитне комсомолонь комитетс йотафтс кода мярьгендихть „очередной расширенной заседания“, кода таргавсь 5 часотнь кувалмос и шава—вастс кортамада башка совещания мезевон ашель. Йофси кодамовок практический мероприятия исть лифте. Мезе ина тиес сян инкса, штоба лацкас организовазномдас тонафнихне-нди испытаниятне и выпускти анокламати инкса. Тя кизефксти учсть ответ кода комсомолонь активс, а стая жа сембе тонафнихне коллективс.

Комсомолонь комитетс эривсяда курокня марса дирекцият марта пуроптомс дополнительной занятият, консультациат, обеспечить тонафнихне эривикс литератураса и ст. тов. и тянь марта максомс возможность тонафнихне-нди испытаниятне-нди цебарьста максомаснонды.

Ив.

СОВЕТСКИЙ СКОРОСТНОЙ ВАСЕНЫЦЕ РЕКОРДТНЕ

ВКП(б) нь ЦЕНТРАЛЬНАЯ КОМИТЕТТИ—СТАЛИН ялгати СССР-нь СОВНАРКОМТИ—МОЛОТОВ ялгати. ОБОРОНАНЬ НАРКОМАТТИ—Советский Союзонь маршалти ВОРОШИЛОВ ялгати. ОБОРОНАНЬ ПРОМЫШЛЕННОСТЕНЬ НАРКОМАТТИ—РУХИМОВИЧ и М. М. КАГАНОВИЧ ялгатне-нди.

Тя кизонь майть 14-це шистонза транспортнай четырехмоторнай монопланса, конанц сконструировандазе Болховитинов ялгати руководстванц ала инженеронь группась, минь тиема скоростнай полет 5000 килограммань груз марта 2000 километрань дистанцияс, сянкас, штоба тиес международнай кафта од рекордт.

Лиемась мольфтевь 7 частт 8 мин. 11,7 сек. средний скоростсь 280 километрат 246 метрат частти.

Сатф результаттне советский самолеттне-нди и летчикне-нди аф ашихть пределкс.

Летчик-испытательсь Советский Союзонь Геройсь Г. БАЙДУКОВ.

Летчик-испытательсь Н. КАСТАНАЕВ.

Инженерсь Н. ФРОЛОВ.

Младшай инженерсь Л. КЕРБЕР.

Борт-механикне Н. ГОДОВИКОВ и М. МЕРКУЛОВ.

Аф тиендемс искусственной трудностть комсомолу сувайхне-нди

ВЛКСМ-ть уставсонза сьормадф, што „Комсомолу членкс примсевихть передовой, советский власти преданнай од ломаньтне рабочайхне, крестьянтне и служащайхне эзда“.

Тякажа пунктса азф ся, што кда комсомолу сувайс политически кода эриви исце анокла принц, штоба сонь прималезь ВЛКСМ-нь членкс, то сон примсви 6 ковань стаж марта кандидатокс.

Лама комсомольский организациатне изь шарькодь тянь и комсомолу примама работай пях сидеста йотафнесазь афправильнайста. Комсомольский организациатне комсомолу примсви ялгати проверкшнесазь и ванондсазь аныцек фкя ширьде. Аф ламоняда разбирается политический кизефксне эса, значит примасазь, а передовойхть ли синь коллективс? Сидеста тя положенянт лангс первичнай организациатне аф шарфнихть эривикс мяль. Вдь аф всякайсь, кода разбирается политический кизефксне эса может улемс передовойкс коллективс. Тянкас тя особенность лангс эриви шарфнемс эривикс мяль.

Первичнай организациатне эса комсомолу сувайти максевихть пях лама кизефкс и нят кизефксне сидеста эривхть путоннайхть, неграмотнайхть и ст. тов. Тянь инкса аф случайна, што од ломаньтне эзда кулендехть пелемат комсомолу суваматы эзда корхнихть тяфта: „пельхтяма не сдадим“. Неяви, што комсомолу суваматы лангс ваныхть, кода испытаниян, экзаменов максомс лангс. Но вдь

комсомолс аф кодамовок техникум, али вуз.

Вов Мордовторгонь конторань комсомольский организациясь примазе комсомолу Кособоков ялгати. Тейнза максфоль 12 кизефкс. Аф ламода аф сембе кизефксне улель аф грамотнайхть, путоннайхть и ст. тов. Вов кодамотхть кизефксне: 1) Мезе кортай ВЛКСМ-ть уставон и программа? 2) Комсомольский организациатне построения? 3) Кода Мокшэрзянь ВЛКСМ-нь обкомть секретаренц Фамилия? и ст. тов.

Мезень нят кизефкс и кинди синь эривихть? Киндивок аф. Аф эривихть сяс, што ня кизефксне марта аф проверяви комсомолу сувайт политический содама шитц. Грамотнай ли ся ломаньс, кода содасы кие работай ВЛКСМ-нь обкомс секретарькс? Пустой кизефкс.

Сяда курокня эриви лоткафтомс тяфтама бездарнай экзаменонь йотафнемати комсомолу примамста.

Эриви тянь инкса руководство-ваться ВЛКСМ-нь ЦК-ть указаниязон марта, што комсомолу примсевихть передовой советский од ломаньтне, конат политически подготовленнайхть и преданнайхть советский власти, конат разбираются ВЛКСМ-ть уставон и программанц марта, што комсомолу примами ялгатне аф эривихть кадондомс самотекти, а систематически мартоост работамс, выделять тяфтама работати инь цебарьста аноклаф ялгатне-нди.

Г. Левин.

Кулагинась калдывста работай

Ежевка велень, Ковылкина район, аф полнай средний школань комсомольский организациясь калдывста работай афсоюзнай од ломаньтне йоткса. Тянкас 1937-це кизоня фкявок од ломань комсомолу ашель примаф.

Тяфтама калдыв работась афсоюзнай од ломаньтне йоткса азондови сян марта, што синь ценз комсомолецне мартовок калдывста йотафневи массово-воспитательнай работась. Комсоргсь Кулагина ялгась уликс по-

литкружокне калдыв работаснон лангс ваны сурпачк.

Аф ваномок комсомолецне ла-монь крда вешемаснон лангс, штоба комсомольский пуромксса арьсемс тя кизефкс и таргамс союзнай ответственностьс сят ломаньтне, конат шорьсхть политонафнемати ладсеманцы, тячимс мезевон апак тихть.

Комсомолонь райкомс организациат работаманцы аф лезды.

Петро.

„По Ленинскому пути“ стенгазетать редакторонц Кербицкая Женя отчетоц

Школьный стенгазетань редколлегиясь мон ушедонь работам 4-це класса тонафнемань пингть эзда, а ответственный редакторкс работан васеньце кизось.

„По Ленинскому пути“, минь газетаньке—Саранск ошень школань сембе стенгазетатненъ йоткса инь цебарь газетась. Стенгазетань эрь од номеронь нолямаса пяк оцю лезкс максихть синць тонафнихне, а тянка газетась и художественнай ширде цебарьста оформляется.

Стенгазетанекень кельгась школань сембе ученикне, но сембод пяк кельгась газетать октябраттне. Синь синць активнайста сьормадкшихть газетав заметкат, рисункат.

Мезень колга синь сьормадкшихть? Синь сьормадыхть эсь тонафнемаснон колга, кодама книгат морафинхть, кода вяцать пряснон школына, кода ваныхть чистотать мельге класса и кудса. Вов тяфтама темас сьормадкшихть октябраттне (васеньце классонь тонафнихне). Октябраттне васеньцетне школына кепедезь кизефксть республиканский Испаниянь идьт тненди лезксонь максомать колга. Тянь колга стания сьормадфоль газетав.

Газетасонок ули „пионерские новости“ башка отдел, конань вельде няфнесась пионерский отрядть работаса сембе сатфксень и афсаткксень.

Тяда башка газетаса ули пяк интереснай „юнай крокодил“ отдел, тя отделу нолявихть материалхт афдисциплинированной тонафнихнен колга.

Сембец нолдаф 11 № стенгазетат. Фкя номер нолдафоль (специальна посвященной) Сталинский Конституциять колга. Пушкинонь юбилеенцты нолдафоль фкя номер. Первомайский номер, Якстерь армиять 19-це годовщинасты и ст. тов.

Газетаньке пяк оцю лезкс макситонафнемать, дисциплинировать сядонга цебарьгафтоманц инкса.

Кербицкая Женя.

Саранск ош.
31-й железнодорожный школась.

Мес мокшень и эрзянь кяльса аш стенгазета

Аф ваномок сянь лангс, што фельдшерско-акушерский школаса питай сембей студентне мокшет и эрзят, но стенань газетась лисенди рузонь кяльса. Аш кода нолдамс мокшень али эрзянь кяльса стенгазетать сяс, мес редколлегиясь аш фкявок ломань мокшетненъ и эрзятненъ эзда. Тяда башка стенгазетаса аф няфневи студентненъ культурнай и бытовой эряфсна. Илядсь экзаментненди 2 шит, а минь стенгазетаньке эсь лопаширесонза хоть ба вал сьормадоль, кода аноклайхть студенттне экзаментненди.

Эряви комсомолонь комитетти шарфтомс тянь лангс мяль.

Тяка школына, Осоавиахимонь организациясь тядденъ кизоть анокласть 100 ПВХО-нь значкист и сембей студентне максозь сембе норматненъ ГСО-нь значконыди. Аф калдывста моли ОСО-нь 11-це лотереянь билеттненъ реализовандамасна. Сембец реализовандаф 800 цалковаень питне. ОСО-нь 11-це лотереянь билетонь реализовандамась нинге моли.



Дд Иса велеса (Инсарань р-н) работай трахоматознай пункт. Тяса велеряйхненъ йоткса вятвей профилактический работа.

СНИМКАСА: трахоматознай пунктть заведующая Д. В. Елисеева ялгась максси профилактический лезкс Базаева Маряты. Фотох Веретенниковъ.

СВБ-нь РЕСПУБЛИКАНСКИЙ ОРГ-БЮРОСЬ УДЫ

Азонцась кода республиканский СВБ-нь орг-бюрось и ВЛКСМ-нь обкомсь лездыхть районнай организациятненди атеизмань пропагандать ладьяманцты.

Аф ваномок сянь лангс, што республиканский СВБ-нь орг-бюрось кочкаф вете ломаньста, но синь хоть йору-баваржакстохть, кодама состоянияс ащи антирелигиознай пропагандась районга, а ВЛКСМ-нь обкомть аппаратчикова споряхть кинди тя работась вятемс.

Лисенди, што антирелигиознай пропагандась катф эсь волязонза.

Цыганов ялгась, республиканский СВБ-нь орг-бюроть секретарец, арьси тяфта: „минь районтенди лездтама лафчста сяс, мес орг-бюронь члентне заняфт эсь работасост, а мон кода платнай работник СВБ-нь орг-бюросакрга пиягева заняфан тязк кабинца.“

Кабинца тяштф отношениатненъ марта атеизмань пропагандась аф вишкптеви, кда аф кярмодят черновой работати. Сектантне и церьковникне тякабинетно-бюрократический идиотствать использовандакшнесазь эстиест антисоветский выступлениятненъ вишкптемаснонды.

Саранскяень строй участка десятик Савинсь рабочайхненъ йоткса лувонць библия и иля духовнай книгат. Ковылкинань районца монашкатне вятсь оцю антисоветский пропаганда колхозникненъ йоткса, тяшнест менельть лемста сьормат Сталинский Конституциять каршес и ст. тов. Пособса (Саранскяень район) и Стрелец Слободаса (Рузаевкань район), кулцондомок монашкатненъ антисоветский агитацияснон, кафта колхозницат атказасть государственнай пособиять эзда лама идень инкса. Ня фактненъ республиканский СВБ-нь орг-бюрось содазень, но кодамовок практический выводт ашезь тий.

Цыганов ялгась монь кизефксозти—кода арьси республиканский орг-бюрось атеизмань пропагандать вишкптеманцты, отвечась: „арьсетама тиес лама конкретнай мероприятият“.—А кодама мероприятият?—„Тя инь основ-

нойсь, ули работань планоньке“.—А коса планонте?—„Сон нинге атак пчатлак, но мон тейть тяфтак азонса сонь содержаниянц. Сьоксенда йотафттама семинар СВБ-нь руководителхненъ марта, ня шитненъ кочкатама СВБ-нь орг-бюронь заседания, но калдыав ся, што орг-бюронь заседания аф пуроптовихть синць орг-бюронь члентне. Борисов ялгась, орг-бюронь председателсь, эршиня заняфт эсь работасонза, Бузарев ялгась, Наркомпросста, атказась СВБ-нь работать эзда и ст. тов. Видеста азомс СВБ-нь орг-бюроньке работай преступна калдыавста.“

Аш кода аф азомс сянь, што республиканский СВБ-нь орг-бюрось работай пяк калдыавста.

Тя улельба аф сембе, кда аф няфтемс кода кой-кона комсомолечне повондыхть попненъ и монашкатненъ влиянияснон алу.

Чамзинкань районца, Сайгушева велеса комсомолец Макаров ялгась монашкатненъ агитацияснон кулцондомок, ксьтендафтозе церькавса иденц. ВЛКСМ-нь райкомсь Макаров ялгать панезе комсомолста и тянь марта шумордаз районца антирелигиознай пропагандать. Атемар велеса Саранскяень районца комсомолец Лизин ялгась ксьтендафтозе иденц. Ичалковань районца комсомолец учитель Питюшкин ялгась якась кумкс. Тякажа районца „очижинь“ шитненъ пингста школав ашесть яка 76 ученик.

Ня фактненъ содасазь ВЛКСМ-нь райкомтне и ВЛКСМ-нь обкомсь, но конкретна мезевок ашесть тий.

Тяфта лезды республиканский СВБ-нь орг-бюрось и ВЛКСМ-нь обкомсь районнай организациятненди антирелигиознай пропогандать вишкптеманцты.

Н. Алемаев.

— о о о —

Примернай счетовод

Буденнайть лемса колхозть счетовод Тарадаев ялгась эсь тевоц вятсь пяк цебарьста. Колхозникненъ трудшиснон сьормадчнесыне книжказост эрь вете шиста. Тарадаевсь эрь шиня морафни колхозникненди газетат, журналхт и йотафни беседат.

Каргин.

ВЦСПС-ть пленумоц аделавсь

Кочкафт ВЦСПС-ть секретариатонц

и президиумонц од составсна

Майть 15-це шистонза профессиональной Союзтненъ Всесоюзной Центральной Советснон VI-це Пленумоц аделазе эсь работанц.

Мекольденъ кафта шитненъ пингста пленумсь келиста ванондо-зень организационнай кизефксненъ и ВЦСПС-ть секретариатонц и президиумонц работань практикаснон. Пренияса кортась 40-шка ломань, конат большевистский резкость марта кортасть профсоюзнай работать пяк оцю афсаткксонзон колга, профсоюзнай массатненъ политический и культурнай касомасост вешфксснон эзда профсоюзнай руководствать фталу лядоманц колга.

Пленумса кортайхне фкя ладса азондозь, што пленумть ширде примаф решениятне кирьдихть оцю политический значения и што синь эряфс йотафтомасна несомненно, тии крутой шаркс профсоюзтненъ деятельностьсост.

Пленумсь кочказе тайнай голо-сования марта ВЦСПС-ть секретариатонц и президиумонц.

ВЦСПС-ть секретариатонц и президиумонц составсна

ВЦСПС-ть VI-це Пленумоц, ВЦСПС-ть секретариатонц кочка-зе тяфтама составста:

1. Шверник Н. М., 2. Николаева К. И., 3. Москатов П. Г., 4. Брегман С. Л., 5. Егорова Е. Н.

ВЦСП-сть президиумс кочкафт:

1. Шверник Н. М., 2. Николаева К. И., 3. Москатов П. Г., 4. Брегман С. Л., 5. Егорова Е. Н., 6. Лозовский С. А., 7. Куркина М. Н., 8. Романов М. М., 9. Степанов М. П., 10. Талалай Л. Б., 11. Волков М. А., 12. Лошкин Л. М., 13. Соболев Н. Л., 14. Воронина Н. В., 15. Зеликов А. В. ялгатне.

— о о о —

КОРЕНИЗАЦИЯСЬ АФ ЙОТАФНЕВИ

Шайговань районць лувондови мокшень районкс. Райцентраса магазинтненъ эзга работайхне аф содасазь мокшень кяльть Тянь сюнеда мокшетненди, конат аф содасазь рузонь кяльть, сашендови вешендемс ломаньт, конат содасазь рузонь кяльть и синь вельдест рамсемс эрявикс товар.

Районнай организациятне юкстаз коренной национальностьста кадрань анокламать. Тянь лангс эряви шарфтомс пяк оцю мяль и куроковья примамс мерат торговой аппаратть коренизациянц инкса.

В.

— о о о —

Колмоце бригадась аделазе видимать

„Валда-Ян“ колхозса 3-це № бригадась видимань планонц аделезе срокта инголи. Тя бригадаса сеялкаса видись Сайгин Степанць видемань норматненъ пашкодкшнезень ламода вельф.

Тяка жа бригадаса плугарсь Киржайкин Андрейсь сембейпингста вельф пашкедкшнезе вырабаткань норматненъ. Соксесь эршиня 1,7 гектар.

Честнайста и добросовестнайста работаманкса, колхознай правлениясь казезень нят ялгатненъ 25 цалковайса кажнайть. Колмоце бригадань бригадирсь Аношкин ялгась казф 50 цалковайса.

Петр Афтайкин.

Ковылкинань р-н.
Ежока веле.

Выходной шиста— сембе вири

Саранскяень трудяйхне цебарь-ста могут йотафтомс эсь досугас-нон лесопаркса.

Тяниень пингт лесопарку су-вамста тийф арка. Вирень поляна-са тийф эстрада и танцевальной площадка. Майт 18-це шистонза выходнойста лесопаркса кармай морама духовой музыкань оркестор.

Майт 28-це шини самс лесопарку арьсеф тиэмс кизонь павильон.

— 000 —

Мордовиянь шахматисттне тусть Казани

Мордовиянь инь цебарь шахматистонза Орешин и Ломов (Саранскяста), Подложнов (Ковылкинаста) и Шеверническая (Зубуста) ялгатне, майт 14-це шистонза тусть Казани шахматной командатнен марта встречаса участиянь примам.

Казаньста Мордовиянь шахматисттне туйхт Ульяновскяи, коса примайхт участие Ульяновскяень сильнейшей налкихнен марта шахматной турнирхнен эса.

(М.ТАСС).

— 000 —

Саранскяйт пижелгофтомац

Тя кизоня горзеленостройсь озафтсь Советскяй, Московскяй и Большевикскяй ульцятнен эзга комсь кизоса 535 пашеть. Тядя башка, котониннай фабрика тер-риторияв озафтфт 288 шуфтт.

Тяфта жа озафтф аканиянь и сиренень 400 кусторт од киноть малас.

— 000 —

ФУТБОЛСЬ Первенстванкса тюремась

Майт 14-це шистонза Саранскяень стадионса ульсь футбольнай матч „Динамо“ 2-це и пединститутонь командатнен йоткса. Налкомась аделавсь динамовецнен пользас 5:3 лувкс марта.

Майт 14-це шистонза Военведт футбольнай площадксоназ налксть футболса „Спартак“ и „Колос“ футбольнай командатне. Налкомась аделавсь 9:0 спартаковецнен пользас.


— 000 —

СТЕН- ГАЗЕТАСЬ ЛЕЗДЫ АФСАТЫКСНЕНЬ МАШФТОМАСНОН- ДЫ

Сире Теризморгань „17 лет Октября“ колхозса цебарьста работай стенань газетат редколлегияц. Стенань газетась нолневи ковти колмоксть, конань эса няфневихт колхозть, башка колхозникнен, бригадатнен сатфксна и афсатыксна. Стен газетаса няфневихт колхозть инь цебарь ломаненза-стахановецне, кода стахановецне пашкодкшнесазь нормаснон и ст. тов. Лама лезкста колхозти максси стен-газетась.

Шайговань р-н.

Ф. Бикеев.



СНИМКАСА: мятежникнен „Эспанья“ линкорсна, конань ваяфтозе испанскяй правительственной авиациясь.
(СОЮЗФОТО).

ИСПАНИЯСА ФРОНТНЕНЬ ЭЗГА

(ТАСС-ть сообщениянзон коряс)

БИСКАЙСКИЙ ФРОНТСЬ

Мятежникне и интервентне, конат получахнихт голь од подкрепления, апак лотксек тиендихт атакат республиканскяй позициянен лангс. Мекельден шитнен вию бойхт мольсть Сольюве пандт лангса (Бильбаоть эзда север-восток шири), коса мятежникне и „черные стрелы“ итальянскяй бригадась, конат кандсть стака юмафкт, ульсть вынужденайхт потамс. Майт 14-це шистонза, одукс группировандамок эсь вийс-нон, авиациять, морской флотть и механизированной и моторизированной частьтнен ширьде поддержжань получаь фашисттне тисть ожесточенной атака Бакиоть и Хата пандт районга (Сольюве высотат эзда север-запад шири) и Арриэат районса (Сольювет эзда юг шири). Операциясь ульсь расчитанной правительственной войскактнен кружамаснонды и Сольювет и Мунгия ошть (Бильбаоть эзда север-восток шири) занямаснонды. Республиканецнен вию толснон марта васфтьф фашисттнеди ашезь пашкедев эсь намерениясна и кадсть лама ломань шавфта и ранендафта. Интервентнен авиациясна кода и инголе мольфти разрушительнай работа. Эрь шиня фашисттнен самолетсна йорайхт сядот бомбат мирнай населениять лангс. Майт 14-це и 15-це шинзон эзда интервентнен авиациясна ламонь крда бомбардировандаь Бильбао ошть рабочай кварталонзон.

Ордуныя и Амуррио секторга (Бильбаоть эзда юг шири) няеви итальянскяй войскактнен значительнай концентрациясна.

АСТУРИЙСКИЙ ФРОНТСЬ

Майт 14-це шистонза астурийскяй горнякне Сан Исидроть перевалонзон и Тарнат районга (Леон ошть эзда северо-восток)

Фашистскяй авиациясь тись налет

Валенсия. Майт 15-це шистонза 12 часттнен пингста фашистскяй авиациясь тийсь налет Валенсиять лангс. Сисем тяжелой бомбардировщикт йордасть вежсагеменьшка бомбат, тяка лувкса зажига-тельнайхт, центральной ульцят-нен лангс. Южная шовда менельсь пяк валдоптовсь грандиозной пожарть марта. Арьсхт, што самолеттне састь морять ширьде фашистскяй фкия корабляста.

шири) тисть мятежникнен лангс неожиданной наступления, вишкста сязезь перевалхнен и ушедсть шаштома юго-запад шири. Фатямок Эль Ахима и Эль Канто высотатнен, синь кружась Лильо местечкать (Леон ошть эзда север-восток шири).

САНТАНДЕРСКИЙ ФРОНТСЬ

Майт 15-це шистонза мятежникне тяряфнесть мрдафтомс республиканецнен марта аф кунара Барриас и Эль Силеруэло де Бри-сиас секторга заняф позициятнен (Бургост эзда северо-запад шири). Республиканецне аф анычек отбили мятежникнен атакаснон, но и шаштсть инголи Бургост шири. Майт 13-це и 15-це шинзон мятежникнен авиациясна бомбардировал Сантандерт.

ЦЕНТРАЛЬНЫЙ ФРОНТСЬ

Майт 14-це шистонза Университетскяй городокть районса фашисттне тяряфнесть тиэмс наступления французскяй седть лангс. Атакась ульсь тьождиста отбитай.

Содаф, што Карабанчельса, кода ни тя ульсь Харама ляйт тона бокса, фашисттне кошарякшнесазь 10 кизоста сязевок. 15-е кизоти модемс возрастса идьтнен фортификационной работаса участвовандама и окопнеди боеприпасонь каннема. Тя фактсь кепси особеннай возмущения, кда лувомс, што войнась Карабанчельсавятеви сембедонга пяк динамитса, што траншеятне мольфтьф кудтнен алга, а кудтне сязендевихт минаса. Синь фашисттне лувонцаь Карабанчель фронтонь сембода опаснай участкакс.

Английскяй газетатнен сообщениаснон коряс, республиканецне шаштсть Толедоть малас кафта ширьде. Ошть эзда юг шири занязь важнай высотат, кона доминирует Толедоть лангса. Фатяф лама пленнайда и военной снаряженияда.

— 000 —

Шавфнен лувкссна, предварительнай даннайхнен коряс, пачкодкшни 33 ломаньс. Ламоц ловажатнен эзда сяшкава тафат, што афи содавихт. Ранендафта—69 ломань.

Французскяй комсомоль ЦК-нц решениянза

Париж. „Юманите“ кулян пачфтеманц коряс, ня шитнен йотафтф французскяй комсомоль ЦК нц заседанияц. Комсомолонь ЦК сь приветствовандакшнесыне Блюмть правительстванц и трудонь Всеобщай конфедерациять марта од ломантнен интереса лама мерань эряфс йотафтомат. Комсомолонь ЦК сь, сембе сяка азондкшнесы (констатирует), што кризисть сюнеда 300 тьожаньт од рабочайхт сембе нингя илядкшнихт работафтома.

Франциянь комсомолонь ЦК-ть примаф резолюциясонза вешевид ломаньтнен положенияснон сядатов цебарьгафтоманц колга особай мерань примамать инкса.

— 000 —

Японияса од ломаньтнен ди промышленнай каторгась

Токио. „Асахи“ газетась азондкшнесы, што Токио ошень управ-лениять статистиканц коряс 1936 кизоть пингста 18 кизода йолма рабочай подросткала, конат вешендсть заработка, лувондовсь 43.651-шка ломаньт, синь эздост работа мусть анычек 4.251 ломань.

Кортамок од ломаньтнен трудснон условиянзон колга, газетась няфни определенной рабочай шинкса точна ладяф работамань питнен аф улеманц лангс, а тяфта жа увольняенияда меле выходноень пандомать колга правилань аф улемать лангс и ст. тов.

Берлин. Германскяй газетатне майт 13-це шистонза пчатлакшнесазь Гестапоть (германскяй тайнай полициять) Германияса бойскаутскяй, католическяй и лия юношескяй и идень сембе органи-зациятнен, „Гитлеровскяй од ломанень“ организацияда башка, за-решенияснон колга распоряже-нияц.

Мятежникне сязезь английскяй миноносець

Валенсия. Майт 13-це шистонза Альмериять (Испаниять юг шире-сонза порт) эзда 4 милянь расстоя-нияса мятежникнен миноносецсна нолдась торпеда „Хантер“ английскяй миноносецти, конач Испаниять средиземно-морской побережья-сонза тя участка мольфтель кон-троль невмешательства колга соглашениять ваноманц мельге. Мятежникнен ширьде нолдаф тор-педат эзда английскяй миноносець лангса кафта вастова тиев-сть пробоннат и тиевсь взрыв.

Кулемок фашистскяй миноносець врыгтеманц колга, республиканскяй власттне Альмерияса курук праважась происшествиянь вастти „Хаиме I“ республиканскяй линкорть „Хантерти“ и сонь коман-данцты лезксонь макссома. „Хаиме I“ сязозень борть лангс эки-пажть эзда ранендафнен и отбуксировал „Хантерть“ Альмерияв. „Хаиме I-ть“ вишке действиянзон вельде удаавсь ванфтомс ваямать эзда английскяй миноносець.

Ответ. редакторть инкса А. КОЛЯДИН.

Уполномоч. главлито № Д—55. Заказ № 1478. Тираж 1721.
г. Саранск, типография „Красный Октябрь“.